

& eorum singulis super Mensarum Abbatium, seu Episcopatum, aut Archiepiscopatum, & quorumcumque aliorum Beneficiorum Ecclesiasticorum cum cura, & sine cura, secularium, & quorumcumque Ordinum Regularium, etiam Hospitalis S. Joannis Hierosolymitani, quomodocumque, & qualitercumque qualificatorum fructibus, redditibus, proventibus, juribus, obventionibus, & distributionibus, etiam quotidianis, seu illorum loco fructus, proventus, jura, obventiones, distributiones, & emolumenta sibi nunc, & pro tempore assignata, & reservata quomodocumque simul, vel successive, in toto, vel in parte usque ad summam centum ducatorum auri de Camera de eorundem Cappellanorum, vel cujuslibet ipsorum, consensu, in toto, vel in parte, etiam in mortis articulo cassare, & extinguere, ac postquam cassata, & extincta fuerint alias similes pensiones annuas super fructibus, redditibus, proventibus, juribus, obventionibus, distributionibus, seu illorum loco fructus, redditus, proventus, jura, & obventiones, & emolumenta hujusmodi etiam usque ad summam predictam uni, vel pluribus aliis personis etiam per eandem Cappellanos, & eorum singulos nominandis, etiam quacumque, quocumque, & qualiacumque Beneficia Ecclesiastica obtinentibus, & expectantibus, seu clericali caractere insigniri volentibus, similiter eis, quoad vixerint, vel eorum legitimis procuratoribus eisdem modo, & forma, quibus eisdem Cappellanis assignata, aut reservari, vel assignari concessa, seu concessa fuerint, etiam absque consensu eisdem pensiones, & fructus, redditus, proventus, jura, obventiones, ac distributiones, & emolumenta hujusmodiolvere debentium, etiam si pluries cassata, & de novo assignata fuerint, usque ad summam, & quantitatem predictam, ac alias cum omnibus, & quibuscumque exemptionibus, & privilegiis, decretis, & clausulis, cautionibus, vinculis, obligationibus, cautelis, ac etiam censuris, & poenis in prioribus reservationibus hujusmodi concessis, & contentis integre persolvendum reservare, constituere, & assignare.

Facultas testandi.

§.8. Necnon ut iidem Cappellani, & eorum quilibet de omnibus, & singulis domibus, praediis, possessionibus, terris, & locis, etiam jurisdictionalibus, ceterisque bonis immobilibus, & mobilibus, quae tamen non sint Altaris, seu Altarium Ecclesiarum ipsis Cappellanis nostris praedictis commissarum ministerio, seu alicui speciali earundem Ecclesiarum divino cultui, vel usui deputata, seque moventibus, cujuscumque qualitatis, quantitatis, valoris, speciei, pretii, & conditionis existentibus, ac juribus, & actionibus ad eos ratione Ecclesiarum, etiam Cathedralium, & Metropolitanarum, Monasteriorum, Prioratuum, Praepositarum, dignitatum, & aliorum quorumcumque beneficiorum Ecclesiasticorum cum cura, & sine cura, secularium,

& quorumvis Ordinum Regularium, quae ex quibusvis concessionibus, & dispensationibus Apostolicis in titulum, commendam, administrationem, ac alias quomodolibet obtinuerint, & obtinent, ac obtinebunt, ac fructuum, reddituum, & proventuum Ecclesiasticorum loco pensionum annuarum, pensionumque annuarum super similibus fructibus, redditibus, & proventibus eis reservatarum, & assignatarum, ac reservandarum, & assignandarum, quos, & quas perceperint, percipiunt, & percipient in futurum, necnon emolumentorum quorumcumque Romanae Curiae Officiorum, ac alias quomodolibet spectantibus, & pertinentibus, ac etiam de dictis fructibus, redditibus, proventibus, ac pensionibus annuis, necnon eorum industria, & labore, quomodolibet, & undecumque, licite tamen acquisitis, & acquirendis, ac alias etiam de muneribus, & officiis quae exercuerint, ac eos exercere contigerit, & alia quavis occasione, vel causa, seu contemplatione ad eisdem perventis, & perventuris, etiam si in pecunia numerata, ac jocalibus, gemmis, aliisque pretiosioribus rebus consistant tam in dicta Curia, quam extra eam ubique locorum, etiam penes beneficia ipsa existentibus, quorum omnium qualitates, & veros annuos valores, etiam si talia forent, quae in generali appellatione bonorum & suppellectilium non venient, sed specialibus indigerent vocabulis, praesentibus ac si specificis, & sigillatim exprimerentur, & denotarentur, pro sufficienter expressis, ac declaratis haberi volumus, ac etiam de ipsis proventibus, ac pensionibus debitis, ac debendis, ac nondum perceptis, & exactis, etiam si eorum solutionis, aut perceptionis terminus nondum advenerit pro illa rata, quae illis debita erit, constitutione declaratoria super fructibus, & pecuniis non exactis, quae forsitan ad successores in ipsis beneficiis spectare, & pertinere debeant, non obstante, etiam accumulative cum quibusvis aliis similibus, vel dissimilibus facultatibus habitis, & habendis, usque ad summam ducentorum ducatorum auri similitudine dumtaxat, tam pro decentibus, & honestis impensis funebribus, quam etiam pro remuneratione illorum, qui eis viventibus interfuerint, etiam ultra servitii meritum, ac in ipsorum consanguineorum, & affinium, ac quorumcumque piorum locorum favorem, & usum, & alias pro eorum arbitrio, & voluntate absolutis testari, ac testamento, codicillis, fideicommissis, legatis, donationibus, tam inter vivos, quam causa mortis, & aliis quibuscumque modis & titulis, scriptura, etiam minus solemnibus, etiam coram duobus, vel tribus testibus, aut etiam cedula sola eorum manu scripta vel subscripta, ac alias in omnibus, & per omnia, prout, & quemadmodum eis videbitur, etiam in ipsa Curia (non tamen extra residentiam) etiam in mortis articulo, & non facta mentione praesentis, vel aliarum eis pro tempore concessarum similitudine facultatum, aut quod in vim illarum

rum testari, seu disponere velint, & intendant, semel atque iterum, & pluries disponere, statuere, & ordinare, itaut quidquid testatum, gestum, aut ordinatum, seu alias ab ipsis dispositum fuerit, etiam in vim simplicis distributionis, ac alias omni meliori modo valeat, & servari omnino debeat, ipsaque testamenta, codicillos, dispositiones, ordinationes, donationes, legata, & statuta, etiam pluries, & toties quoties eis videbitur, moderari, limitare, ac etiam in totum revocare, & alia de novo concedere, etiam libere, & licite valeant, plenam, & liberam concedimus facultatem.

Omnis defectus supplet.

§.9. Statuentes nihilominus, & ordinantes, eisque pariter indulgentes, quod si contigerit ipsos ab intestato, & sine ulla, vel cum minus valida bonorum, & rerum, ac fructuum, reddituum, & proventuum praedictorum dispositione in dicta Curia, vel extra eam, ac etiam extra sua beneficia, aut alia loca debita ab eis residentiae personalis, etiam nulla subsistente causa, ab humanis decedere, omnia, & singula eorum bona, res, & jura etiam, ut praefertur, qualificata, necnon spolia pro dicta summa etiam ex praedictis, & alias undecumque provenientia ad Camera Apostolicam, seu in dictis beneficiis successores non pertineant, sed ad haeredes sanguinis eorumdem integre deveniant, & illis deficientibus inter eorum familiares arbitrio personae, seu personarum, quas ad id ipsi scripto nominaverint distribuatur, nisi de alia dispositione, vel intentione eorumdem scriptura etiam minus solemnibus, & per omnia debeant. Et nihilominus quaecumque hujusmodi testamenta, donationes, legata, dispositiones, & alia forsitan alias ab ipsis, etiam nulla, aut minus sufficienti facultate sussultis, de hujusmodi bonis, juribus, actionibus, fructibus, pecuniis, jocalibus, aliisque rebus supradictis, etiam in favorem consanguineorum, & affinium praedictorum, & alias quomodolibet facta, cum omnibus inde secutis, ac etiam ea, quae per ipsos in futurum quomodolibet fient, ex nunc prout ex tunc, & e contra pro dicta summa ducentorum ducatorum dumtaxat approbamus, & confirmamus, omnesque, & singulos juris, et facti, ac solennitatum omittimus, et omittendarum necnon substantiales, aliosque defectus quoscumque, si qui intervenerint in eisdem, etiam si tales sint, vel fuerint, quod specialis, et specifica de ipsis mentio habenda esset, supplemus.

Contrarius derogat.

§.10. Non obstantibus praemissis, ac Lateranensis Concilii novissime celebrati de certo Notariorum numero, etiam si ad illum nondum devenum fuerit, cui per hoc alias derogatum non intendimus, ac de consensu praestando in pensionibus, et quibusvis aliis etiam per Nos, et Sedem praedictam quomodolibet editis, et imposterum edendis Cancellariae Apostolicae regulis, et

stylo in similibus haecenus servato, et pia memoriae Alexandri Papae Sexti etiam Praedecessoris nostri tertiam partem bonorum Ecclesiasticorum Camerae praedictae deberi inter alia disponentibus, necnon ejusdem memor. Bonifacii Papae Octavi etiam Praedecessoris nostri, per quam concessionem de fructibus in absentia percipiendis sine praescriptione temporis fieri prohibentur, ac quorumvis aliorum Romanorum Pontificum Praedecessorum nostrorum, et quibusvis aliis Apostolicis, ac in Universalibus Conciliis editis specialibus, vel generalibus Constitutionibus, et Ordinationibus, necnon legibus Imperialibus, et aliis etiam municipalibus, tam Urbis, quam quarumvis aliarum Civitatum, et Locorum, in quibus Cives originarii creati sunt, ac quarumvis Ecclesiarum, Monasteriorum, Ordinum, et Hospitalis praedicti, necnon quorumvis Collegiorum, et Officiorum dictae Curiae, ac Regnorum, Provinciarum, & Urbis, ac aliarum Civitatum, & locorum, ac praedictae Camerae, etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, etiam si de illis servandis, & non impetrandis literis Apostolicis contra ea, nec etiam ab alio, vel aliis impetratis, aut aliis quomodolibet concessis utenao, ipsi Cappellani per se, vel eorum Procuratores praesiterint forsitan haecenus, vel in posterum eos praestare contigerit juramentum, privilegiis quoque, indultis, & literis Apostolicis dictis Ecclesiis, Monasteriis, Ordinibus, & Hospitali S. Jo: Hierosolymitani, illorumque Praesulibus, seu Administratores, & Superioribus, ac Magistris, Praeceptoribus, Prioribus, Militibus etiam, Antianis, Capitulis, & Conventibus, Civitatibus, & locis, aliisque personis etiam particularibus, necnon Archiepiscopis, Episcopis, & aliis locorum Ordinariis, etiam ejusdem S. R. E. Cardinalibus, ac dictae Camerae Officialibus, illorumque Collegiis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis per quoscumque Romanos Pontifices Praedecessores nostros, ac Nos, & Sedem praedictam, etiam consistorialiter, & de ejusdem S. R. E. Cardinalium consilio, ac per modum Statuti, & Constitutionis perpetuorum, ac motu, & scientia paribus, deque apostolica potestatis plenitudine, ac ad Imperatoris, ac Regum, & Reginarum, Ducum, & Marchionum, ac aliorum Principum instantiam, seu illorum contemplatione in genere, vel specie, aut alias quomodolibet, etiam iteratis vicibus concessis, confirmatis, & innovatis, & in posterum concedendis, confirmandis, & innovandis, etiam si in iis, ac statutis, & stabilimentis praedictis caveatur expresse, vel tacite, quod Urbis non nisi originariis Civibus Romanis, ac Civibus eorumdem filii, aliarum vero partium beneficia nisi per

per personas Illustres, seu Nobiles, ac etiam originarios Cives, aut alias certo modo in illis expresse qualificatos obtineri, aut conferri possint, & nullus in Civem Urbis, aut Civitatum, Oppidorum, Terrarum, & locorum hujusmodi admitti, seu illorum privilegiis uti possit, nisi prius in dictis Civitatibus, Oppidis, & locis per certum tempus habitaverit, seu etiam in illis bona etiam stabilia forsitan ad certum valorem ascendenda possideat, quodque præceptoriarum, & alia beneficia quæcumque dicti Hospitalis S. Joannis Hierosolymitani, tam ex ejus institutione, quam ex stabilimentorum prædictorum dispositione, non in titulum perpetuorum beneficiorum conferri, sed in commendam ad vitam Commendatariorum revocabiliter concedi debeant, & sic pensionibus Ecclesiasticis secularibus, aut aliis personis, Apostolica auctoritate reservandis gravari non possint, quodque stabilimentis, & privilegiis præfatis, etiam vigore clausulæ implicitæ derogationis latissime extendendæ, etiam per quascumque literas Apostolicas, & qualvis etiam derogatoriarum derogatorias, efficacioresque, et insolitas clausulas derogari non possit, nec derogatum censetur, nisi derogatio hujusmodi de consilio dd. Cardinalium fiat, et tum demum ad id Magistri, & Conventus præfatorum expressus accedat assensus, sintque literæ derogationis hujusmodi etiam per dictum M. Magistrum subscriptæ, ac ei, et præfato Conventui per diversas in forma Brevis, aut alias diversas literas diversis temporibus cum certis intervallis præsentatas intimatæ, & non alias, nec alio modo, et semper in hujusmodi literis, quæ sic fient, etiam de simili consilio derogationis sit apposita clausula, quod illarum effectum fortiantur de consensu Magistri, et Conventus præfatorum, et non alias, aliter, nec alio modo. Quibus omnibus, et eorum singulis, etiam si pro illorum sufficienti derogatione de illis, eorumque totis tenoribus specialis, specifica, & expressa, ac individua, ac de verbo ad verbum, non autem per clausulas generales idè importantes mentio, seu quævis alia expressio habenda, aut aliqua alia exquisita forma ad hoc servanda foret, et in eis caveatur expresse, quod illis nullatenus derogari possit, quodque clausula implicitæ derogationis in rescripto etiam motu proprio emanato apposita aliter in literis exprimi, vel extendi nequeat; illorum omnium tenores præsentibus pro plene, et sufficienter expressis, ac de verbo ad verbum insertis habentes, illis alias in suo robore, et firmitate permanentibus, hac vice dumtaxat harum serie in genere, et in specie ad effectum præmissorum specialiter, et expresse motu, et scientia similibus derogamus, ac derogatum esse decernimus, ceterisque contrariis quibuscumque.

Transumptum hinc.

§.11. Volumus autem, quod præsentium transumptis, seu exemplis, etiam impressis, manu alicujus Notarii publici

subscriptis, et sigillo personæ in dignitate ecclesiastica constitutæ munitis, eadem prorsus ubique fides, tam in iudicio, quam extra illud adhibeatur, quæ præsentibus ipsis adhiberetur, et adhiberi posset, si forent exhibitæ, vel ostensæ.

§.12. Quodque præfati antequam gratia Notariatus perfui possint, et valeant, in manibus alicujus personæ in dignitate ecclesiastica constitutæ professionem fidei juxta articulos pridem a Sede præfata propositos emitte, et solitum fidelitatis juramentum omnino præstare teneantur, et quilibet ipsorum teneatur.

Datum Romæ apud S. M. M. sub Anno Pontificatus nostri Anno II.

Dat. die 19. Sept. 1668. An. II.

L X V I I I.

Suspensio Brevis Innocentii X. Generalem Congregationem in Societate Jesu singulo quovis triennio celebrandam injungentis.

CLEMENS PAPA NONUS

Ad perpetuam rei memoriam.

Religiosorum virorum Ordines, quos tanquam fertilia agri Dominici cultorum plantaria sapiens Romanorum Pontificum Prædecessorum nostrorum pietas instituit, in visceribus paternæ gerentes charitatis, Societatem Jesu viris pietate, religione, sacrarum, eisque ancillantium bonarum literarum scientia, ac propriæ, alienæque salutis studio eximie præditis fulgentem, singularibusque in hanc Sanctam Sedem meritis conspicuam, peculiari Apostolicæ dilectionis affectu prosequimur. Et propterea felici illius regimini, religiosæque tranquillitati libenter consulimus, sicut omnibus debite consideratis, pietati atque prudentiæ censemus esse consentaneum.

Exordium.

§.1. Alias siquidem postquam felic. recordationis Innocentius PP. X. Prædecessor noster per quasdam suas in simili forma Brevis die prima Januarii 1646. expeditas literas, quarum tenorem præsentibus haberi volumus pro expresse, statuerat, mandaverat, præceperat, & ordinaverat, ut perpetuis futuris temporibus Congregatio Generalis in prædicta Societate Jesu singulo quoque novennio computando semper a celebratione ultimæ Congregationis Generalis haberi, & celebrari omnino deberet, itaut illius celebratio nullo modo, nec ex quavis causa, sive per Præpositum Generalem pro tempore existentem, sive per quancumque Congregationem particularem, vel generalem impediri, vel ultranovennium hujusmodi differri, seu prorogari posset; utque quotiescumque haberetur, & celebraretur Congregatio Generalis hujusmodi, toties novi Assistentes ab illis plane diversi, qui præcedente novennio Assistentium muneribus functi fuissent, eligi, seu assumi, & deputari.

Tenor Brevis Innoc. X.

Ac

§.2. Ac demum ut omnes, & singuli ejusdem Societatis Provinciales, Visitatores, Præpositi, Rectores, Superiores locales, & alii Officiales jurisdictionem, seu superioritatem habentes, quomodolibet nuncupati (exceptis Magistris Novitiorum) in eorum respectivo muneribus, superioritatibus, ministeriis, administrationibus, & officiis quomodocumque nuncupati per triennium dumtaxat durare debeant, eaque, elapso triennio hujusmodi, eo ipso vacarent, & vacare censerentur, ipsique ad alia quævis ejusdem Societatis muneris, superioritates, ministeria, administrationes, & officia prædicta quomodolibet nuncupati, etiam Vice-Provinctialis, seu Vice-Præpositi, vel Vice-Rectoris, nullatenus eligi, seu assumi, vel deputari valerent, nisi per annum cum dimidio saltem a fine dicti triennii computandum a prædictis muneribus, superioritatibus, ministeriis, administrationibus, & officiis cessavissent, recol. mem. Alexander PP. VII. pariter Prædecessor noster, certis ex causis tunc expressis adductis, statutum, & ordinationem dicti Innocentii Prædecessoris circa triennale tantum durationem munerum, superioritatum, ministeriorum, administrationum, & officiorum prædictorum, necnon sequenti ab illis vacationem hujusmodi (firma tamen, & illæsa, ac in suo robore in reliquis omnibus remanente earumdem Innocentii Prædecessoris literarum dispositione) perpetuo revocavit, & abrogavit, & alias prout in ipsius Alexandri Prædecessoris literis desuper in simili forma Brevis die prima Januarii 1663. emanatis, quarum tenorem præsentibus itidem pro expresse, ac de verbo ad verbum inserto haberi volumus, uberius continetur.

Exordium.

§.3. Cum autem, sicut dilectus filius Joannes Paulus Oliva Præpositus Generalis dictæ Societatis Nobis nuper exponi fecit, postrema Congregatio Generalis ejusdem Societatis Anno 1661. celebrata inter alia unanimi plane consensu decreverit, infimis precibus ab hac Sancta Sede petendam fore abrogationem prædictarum Innocentii Prædecessoris literarum, non solum in ea parte, in qua memoratus Alexander Prædecessor hujusmodi decreti consensit, illam subinde, ut præmittitur, concessit; sed etiam in reliqua celebrationem Congregationis Generalis quolibet novennio, novorumque Assistentium a præcedentibus diversorum electionem, seu deputationem concernente: quippe quæ, & Constitutionibus Societatis prædictæ a Sancto Ignatio illius Fundatore editis, quas quinque Romani Pontifices Prædecessores nostri approbarunt, conformis non sit, & adversetur sensui sex Congregationum Generalium ipsius Societatis, quæ contrarium magno consensu expedire Societati judicant. Accedit, quod abunde jam est prospectum in Societate cuicumque necessitati, ob quam Congr. Gen. cogi debeat, ideoque

novennalis illa plane inutilis futura sit, cum singulis trienniis celebrari soleat, & debeat Congregatio Procuratorum electorum ex omnibus Provinciis cum facultate convocandi Congregationem Generalem si sit opus. Tum etiam deterrent ingentes sumptus, quos necesse est fieri in convocanda quolibet novennio, & quidem sine necessitate Congregatione illa Generali. Deterrent quoque frequentia vitæ pericula, quibus exponuntur primarii Religiosi omnium Provinciarum ejusdem Societatis, iique plerumque Senes, quorum aliqui paucis ab hinc annis sublato naufragio, alii extincti febribus in itinere, alii in captivitatem ab hostibus abducti fuere. Quibus incommodis adjungitur relaxatio disciplinae religiosæ in Provinciis, dum inde absunt Provinciales, & alii præcipui religiosi, qui præfentes conservando illius vigori invigilarent. Nobis propterea memoratus Joannes Paulus Præpositus Generalis humiliter supplicari fecit, ut in præmissis opportune providere de benignitate Apostolica dignaremur.

Ad quam examinandam Congregatio Cardinalium deputatur.

§.4. Nos igitur ipsius Joannis Pauli Præpositi Generalis desiderio, quantum cum Domino possumus, favorabiliter annuere volentes, eumque a quibusvis excommunicationis, suspensionis, et interdicti, aliisque ecclesiasticis sententiis, censuris, et poenis a jure, vel sub homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, et absolutum fore censentes, ac prospero, felicique statui, atque incremento Societatis prædictæ de catholica religione multis nominibus optime merite, animum nostrum pastoralis providentia intendentes, ad supra scriptas preces ejusdem Joannis Pauli Præpositi Generalis examinandas specialem Congregationem nonnullorum ex Venerabilibus Fratribus nostris Sanctæ Romanæ Ecclesiæ Cardinalibus prudentia, et zelo præstantium deputavimus. Cujus Congregationis audita sententia, et Nobiscum reputantes valde ad rem facere, ut per secreta suffragia constet, quid circa petitam abrogationem sentiat in Domino Societas universa, quæ per graviores Religiosos ejus Instituto optime imbutos, rerumque illius usu, atque experientia præditos, in Congregatione Generali coadunatos representatur.

§.5. Ideo auctoritate apostolica, tenore præsentium jubemus, atque decernimus, ut in Congregatione Generali prædictæ Societatis, quæ prima ex præscripto illius Constitutionum celebrabitur, prævia inter prædictos religiosos matura rei discussione, et consultatione, per secreta postmodum suffragia disquiratur: An bono dictæ Societatis expediat, ut terminus novennalis ad celebrandas Congregationes Generales in allegatis Innocentii Prædecessoris literis statutus abrogetur; quæ quidem disquisitio, si dicta Congregatio Generalis ele-

CLEMENS PAPA NONUS

Ad perpetuam rei memoriam.

Suspensio de qua in rubr.

Clausula sub-  
scripta, & de-  
cretum. Iri-  
tans.

Derogatio  
contrarium

Transumpto-  
rum fides.

Dat. die 20.  
Sept. 1668.  
An. II.

electione Præpositi Generalis celebranda sit, ante illius electionem fiat. Postquam autem huiusmodi disquisitio peracta fuerit, illico ad Nos, vel ad Romanum Pontificem pro tempore existentem distincte referatur, quo numero suffragiorum ipsa Congregatio Generalis dicti novennalis termini, vel abrogationem, vel observantiam expectaverit, ut quid circa illum deinde observari debeat, Sedis Apostolicæ iudicio statuatur.

§.6. Propterea executionem dictarum Innocentii Prædecessoris literarum in ea parte, cui per supradictas Alexandri Prædecessoris literas derogatum non fuit, auctoritate, & tenore prædictis interim suspendimus, illamque usque ad Congregationem Generalem ex præscripto Constitutionum Societatis prædictæ juxta prædicta primo celebrandam, effectu carere volumus, atque decernimus.

§.7. Decernentes pariter easdem præsentis literas firmas, validas, & efficaces existere, et fore, suoque plenarios, & integros effectus sortiri, et obtinere, ac ab illis, ad quos spectat, & pro tempore spectabit, inviolabiliter observari; Sicque, & non aliter in præmissis per quoscumque Iudices ordinarios, et delegatos, etiam causarum Palatii Apostolici Auditores, ac eisdem S. R. E. Cardinales, etiam de Latere Legatos, et alios quoslibet quacumque præeminentia, et potestate fungentes, et functuros, sublata eis, et eorum cuilibet quavis aliter iudicandi, et interpretandi facultate, et auctoritate, iudicari, et definituri debere, ac irritum, et inane, si secus super his a quoquam quavis auctoritate scienter, vel ignoranter contigerit attentari.

§.8. Non obstantibus prædictis Innocentii Prædecessoris literis, necnon omnibus, et singulis illis, quæ memoratus Alexander Prædecessor in suis literis supradictis voluit non obstat, ceterisque contrariis quibuscumque.

§.9. Volumus autem, ut ipsarum præsentium literarum transumptis, seu exemplis, etiam impressis, manu alicujus Notarii publici, vel Secretarii dictæ Societatis subscriptis, et sigillo Præpositi Generalis ejusdem Societatis, seu alterius personæ in Ecclesiastica dignitate constitutæ munitis, eadem prorsus fides in iudicio, et extra adhibeatur, quæ præsentibus ipsis adhibetur, si forent exhibitæ, vel ostensæ.

Datum Romæ apud S. M. M. sub Anulo Piscatoris, die 20. Septembris 1668. Pontificatus nostri anno II.

L X I X.

Jubilæum pro Regno Polonia, aliisque Provinciis, et Ditionibus Regi Poloniae subjectis ad implorandum divinam opem pro prosperis ejusdem Regni successibus.

DE salute Dominici gregis cura nostræ divinitus commissi paternæ charitatis studio solliciti, inter tot, tantasque angustias, quibus Sancta Mater Ecclesia his calamitosissimis temporibus præmitur, gravissima, quæ in inclyto Poloniae Regno de præsentibus aguntur negotia assidue volumus animo, & illis quantum Dominus donare dignatur consulere satagimus.

§.1. Hoc consilio, & privatis nostris sacrificiis, atque precibus accedimus ad Sacram Misericordiarum Domini Aram, et publicas in Alma Urbe nostra orthodoxæ fidei arce orationes indiximus, ut Clementissimus Dominus noster fidelium suorum precibus exoratus, Religionem Christianam, Fidemque Catholicam ubique, et præsertim in memorato Regno Poloniae tueri, atque protegere, pacem atque animorum publico Ecclesiæ, Regnique bono unice studentium concordiam firmiter stabilire, atque solidare, prosperoque rerum successus benigne largiri dignetur. Id ipsum, ut et fideles ejusdem Regni, quos negotia huiusmodi, eorumque eventus propius tangunt, deposita per veram poenitentiam sarcina peccatorum, auctisque per eleemosynas, atque jejunia viribus orationis, flagrantissimo cordis affectu faciant, eos omnes, et singulos paterne adhortandos, et monendos, eorumque pietatem, erogatis Ecclesiæ Theauris, quorum dispensationem Nobis credidit Deus, incitandam, atque fovendam esse censuimus.

§.2. Itaque de Omnipotentis Dei misericordia, ac Beatorum Petri, et Pauli Apostolorum ejus auctoritate confisi ex illa ligandi, atque solvendi potestate, quam Nobis Dominus licet indignis, contulit, universis, et singulis utriusque sexus Christianis fidelibus in præfato Poloniae Regno, aliisque omnibus, et singulis Provinciis, et Ditionibus charissimo in Christo Filio nostro Joanni Casimiro Poloniae, et Sveciæ Regi Illustri subjectis, degentibus, qui Ecclesias ab Ordinariis locorum, vel eorum Vicariis, seu Officialibus, aut de eorum mandato, et ipsis deficientibus per eos, qui ibi curam animarum exercent, postquam ad eorum notitiam hæc nostræ pervenerint, designandas, vel Ecclesiarum huiusmodi aliquam spatium duarum hebdomadarum a publicatione designationis per Ordinarios, vel eorum Vicarios, seu Officiales, vel alios, ut præfertur, faciendæ decursarum saltem semel visitaverint, ibique per aliquod temporis spatium pro prosperis Regni præfati successibus devote Deum oraverint, ac quarta, et sexta feriis, ac Sabbatho alterius ex hebdomadis huiusmodi jejunaverint, et peccata sua confessi in die Dominica immediate sequenti, vel alia die intra eandem hebdomadam sanctissima communionem refecti fuerint, et pauperibus aliquam eleemosynam

Procedimus.

Jubilæum...  
concedit ut in  
rubrica.

Providet navigantibus iter agentibus aliis que impedi-  
mento detentis.

nam, prout unicuique suggeret devotio erogaverint, plenissimam omnium peccatorum suorum indulgentiam, & remissionem sicut in Anno Jubilæi visitantibus certas Ecclesias intra, & extra Urbem prædictam concedi consuevit, tenore præsentium concedimus, & largimur.

§.1. Navigantes vero, & iter agentes, ut cum primum ad sua se se domicilia receperint, supra scriptis peractis, & visitata Ecclesia Cathedrali, vel majore, aut Parochiali loci eorum domicilii, eandem indulgentiam consequi possint, & valeant: Regularibus autem personis utriusque sexus etiam in claustris perpetuo degentibus, necnon aliis quibuscumque tam laicis, quæ ecclesiasticis secularibus, vel regularibus etiam in carcere, aut captivitate existentibus, vel aliqua corporis infirmitate, seu alio quocumque impedimento detentis, qui supra expressa, vel eorum aliqua præstare nequiverint, ut illa confessarius ex jam approbata a locorum Ordinariis ante præsentium publicationem, seu approbandis in alia pietatis opera commutare, vel in aliud proximum tempus prorogare possit, eaque injungere, quæ ipsi poenitentes efficere poterunt, pariter concedimus, & indulgemus. Insuper omnibus, & singulis Christianis fidelibus utriusque sexus tam laicis, quam ecclesiasticis secularibus cuiusvis Ordinis, Congregationis, & Instituti in memoratis Regno Provinciis, & Ditionibus, ut præfertur, degentibus licentiam concedimus, & facultatem, ut sibi ad hunc effectum eligere possint quemcumque Presbyterum confessarium tam secularem, quam cuiusvis ordinis, & instituti regularem ex approbata, ut præmittitur, a locorum Ordinariis, qui eos ab omnibus excommunicationis, suspensionis, & aliis ecclesiasticis sententiis, & censuris a jure, vel ab homine quavis causa latis, seu inflatis, necnon ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis sive Nobis, & Sedi Apostolicæ etiam in literis die Cœnæ Domini legi solitis contentis, & alias per quascumque nostras, aut Romanorum Pontificum Prædecessorum, nostrorum Constitutiones, quarum tenores præsentibus haberi volumus pro expressis quomodocumque reservatis in foro conscientie, & hac vice tantum absolvere, & liberare valeant; Et insuper vota quæcumque (religionis, & castitatis exceptis) in alia pia, & salutaria opera commutare, injuncta tamen eis, & eorum cuilibet in supradictis omnibus casibus poenitentia salutari, aliisque ejusdem Confessarii arbitrio injungendis. Quapropter tenore præsentium in virtute sanctæ obedientiæ districtè præcipimus, atque mandamus omnibus, & quibuscumque Venerabilibus Fratribus Archiepiscopis, Episcopis, & aliis Ecclesiarum Prelatis, ac quibuscumque Ordinariis locorum in præd. Regno Poloniae ac Provinciis, & Ditionibus existentibus, ac Vicariis, & Officialibus, vel iis deficientibus, ut

Bul. Rom. Tom. VI, Par. VI.

cientibus, illis qui curam animarum exercent, ut cum præsentium literarum transumpta, aut exempla, etiam impressa acceperint, illa statim absque ulla mora, retardatione, vel impedimento per suas Ecclesias, & Dioeceses, Provincias, Civitates, Oppida, Terras, & loca publicent, & publicari faciant, Ecclesiamque, seu Ecclesias visitandas designent. Non intendimus autem per præsentibus super aliqua irregularitate publica, vel occulta, nota, defectu, incapacitate, seu inhabilitate, quoquo modo contracta dispensare, vel aliquam facultatem tribuere dispensandi, seu habilitandi, & in pristinum statum restituendi etiam in foro conscientie, neque etiam easdem præsentibus iis, qui a Nobis, & Apostolica Sede, vel ab aliquo Prelato, seu Jure Ecclesiastico excommunicati, suspensi, interdicti, seu alias in sententias, & censuras incidisse declarati, vel publice denunciati fuerint, nisi intra tempus dictarum duarum hebdomadarum satisfecerint, aut cum partibus concordaverint, ullo modo suffragari posse, aut debere.

§.4. Non obstantibus Constitutionibus, & Ordinationibus Apostolicis præsertim quibus facultas absolvendi in certis tunc expressis casibus ita Romano Pontifici pro tempore existenti reservatur, ut nec etiam similes, vel dissimiles indulgentiarum, & facultatum huiusmodi concessiones, nisi de illis expressa mentio, aut specialis derogatio fiat, cuiquam suffragari queant, necnon regula nostra de non concedendis indulgentiis adinstar, ac quorumcumque Ordinum, & Congregationum, sive Institutuum regularium, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, eisdem Ordinibus, Congregationibus, & Institutis, illorumque personis quomodolibet concessis, approbatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores, præsentibus pro sufficienter expressis, ac formam in eis traditam pro servata habentes, hac vice specialiter, nominatim, & expresse ad effectum præmissorum derogamus, ceterisque contrariis quibuscumque.

§.5. Ut autem præsentibus nostræ, quæ ad singula loca deferri non possunt, ad omnium notitiam facilius deveniant, volumus, ut earundem præsentium transumptis, seu exemplis, etiam impressis, manu alicujus Notarii publici subscriptis, & sigillo personæ in dignitate ecclesiastica constitutæ munitis ubique locorum, & gentium, eadem prorsus fides habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam P p Majori

Contrariis derogat.

Transumptis credi jubet.

Dat. die 22  
Sept. 1668.  
An. II.

Majorem sub Annulo Piscatoris die vigesima secunda Septembris 1668. Pontificatus nostri Anno II.

LXXX.

Concessio Indulgentiarum pro Christifidelibus Status Ecclesiastici divinam opem implorantibus pro tuitione Civitatis, & Regni Cretæ contra Turcas, ac pro felici directione negotiorum Regni Poloniæ.

CLEMENS PAPA NONUS

Ad futuram rei memoriam.

Causa Constitutionis.

§.1. CUM Nos Dominica proxime præterita Processionis ab Ecclesia Sancti Stanislai Nationis Polonorum ad Ecclesiam Sancti Marci de Urbe a Nobis instituta, ac Missæ solemnæ, quæ in eadem Ecclesia Sancti Marci subinde celebrata fuit una cum Venerabilibus Fratribus nostris Sanctæ Romanæ Ecclesiæ Cardinalibus, necnon Patriarchis, Archiepiscopis, & Episcopis, aliisque Prælatibus, & Officialibus Cappellæ Nostræ Pontificiæ interfuerimus, ac omnibus Christifidelibus vere poenitentibus, & confessis, & Sacra Communione refectis, qui processioni, & Missæ prædictis interessent, vel utramque Ecclesiam hujusmodi eo die visitarent, ibique divinum auxilium tam pro defensione, atque tuitione Civitatis, & Regni Cretæ contra oppressiones Turcarum, quam pro præsentibus necessitatibus, felicique directione negotiorum Regni Poloniæ implorarent, plenariam omnium peccatorum suorum Indulgentiam, & remissionem misericorditer in Domino concesserimus, ac ejusmodi Indulgentiæ participes quoque fieri voluerimus regulares utriusque sexus in clausura viventes, qui ad divinam opem similiter confugerent.

§.2. Et in diversis ejusdem Urbis Ecclesiis Sanctissimum Eucharistiæ Sacramentum publicæ fidelium venerationi exponi curaverimus, piisque ad Deum precibus his diebus indixerimus, ut Pater misericordiarum, & Deus totius consolationis Ecclesiam suam Sanctam protegere, ejusque hostium impetus, & vires virtutis suæ potentia reprimere, atque confringere, prosperosque rerum eventus benigne largiri dignetur.

Concedit Indulgentias ut in Rubrica.

§.3. Hinc est, quod Nos alios quoque Christifideles ad similia Christianæ pietatis opera spiritualium gratiarum muneribus incitare cupientes, Venerabilibus Fratribus Archiepiscopis, & Episcopis, aliisque Ecclesiarum Prælatibus, & Ordinariis Civitatum, & Diocesum, Oppidorum, Terrarum, & Locorum Nobis, & Apostolicæ Sedis in temporalibus mediate, vel immediate subiectorum, seu eorum Vicariis in spiritualibus generalibus per præsentem committimus, & mandamus, ut statim atque ipsarum præsentium literarum transumpta

seu exempla, etiam impressa, ad eos pervenerint, processionibus pariter in suis respective Civitatibus, Oppidis, Terris, & Locis instituant, ac memoratum Sanctissimum Eucharistiæ Sacramentum in Ecclesiis per eos respective designandis fidelium venerationi per totum mensem Octobrem proxime venturum similiter exponi curent, publicasque preces indicant: Nos enim omnibus, & singulis utriusque sexus Christifidelibus vere poenitentibus, & confessis, ac Sacra Communione refectis, qui processionibus hujusmodi respective interfuerint, vel Ecclesias a qua, & ad quam aliqua processionum hujusmodi fiet, eo die devote visitaverint, ibique divinum auxilium, ut præmittitur, imploraverint, necnon regularibus utriusque sexus in clausura viventibus, qui similiter confessi, & Sacra Communione refecti, piis ad Deum precibus in suis respective Ecclesiis, seu Monasteriis pariformiter fuderint, plenariam omnium peccatorum suorum Indulgentiam, & remissionem concedimus similiter, & largimur. Ac præfatis, & aliis Christifidelibus, qui ante Sanctissimum Sacramentum, ut præfertur exponendum per aliquod temporis spatium pie orando divinam opem, ut supra invocaverint, quoties id egerint, toties septem annos, & totidem quadragenas de injunctis eis, aut alias quomodolibet debitis poenitentibus in forma Ecclesiæ consuetæ relaxamus.

§.4. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides in iudicio, & extra adhibeatur, quæ præsentibus ipsis adhiberetur, si forent exhibitæ, vel ostensæ. Datum Romæ apud S. M. M. sub Annulo Piscatoris, die 26. Sept. 1668. Pont. nostri Anno II.

Transumptum fides.

Dat. die 26. Sept. 1668. An. II.

LXXXI.

Commissio Episcopis Caturcen., Lemovicen., & Sarlaten., ut Monasteria Monialium de Bel Loco, & Loci de Fieux ab Hospitali S. Joannis Hierosolymitani dependentia Caturcen. Dioc. visitent.

Ex Regest. in Secret. Brev.

Ven. Fratribus Episcopis Lemovicen., Caturcen., & Sarlaten., ac eorum cuiuslibet.

CLEMENS PAPA NONUS

Ven. Fratres salutem, & apostolicam benedictionem.

Onerosa pastoralis officii cura nullo suffragio meritorum Nobis ex alto commissa postulat, ut ad ea vigilantia nostra partes propensius intendamus, per quæ Monasteriorum quorumlibet præsertim sanctimonialium felici statui, ac prospero personarum in eis Altissimo famulantium

Exordiam.

alioquin sententiam, sive poenam, quam rite tuleritis, seu statueritis in rebelles ratam habebimus, et faciemus, auctore Domino usque ad satisfactionem condignam inviolabiliter observari. §.3. Volumus autem, ut si quæ graviora in visitatione hujusmodi repereritis, ea, necnon informationes omnes in hujusmodi visitatione sumendas sub vestris sigillis clausas ad Nos quamprimum transmittere curetis, ut quod in illis statuendum sit, matura consultatione adhibita, decernamus. §.4. Non obstantibus Apostolicis, ac in Universalibus Provincialibusque, et Synodalibus Conciliis editis generalibus, vel specialibus Constitutionibus, et Ordinationibus, ac Monasteriorum, et Ordinis, cujus fuerint, etiam juramento, confirmatione Apostolica, vel quavis firmitate alia roboratis statutis, et consuetudinibus, privilegiis quoque, indultis, et literis Apostolicis eisdem Monasteriis, illorumque Superioribus Monialibus, et personis quibuscumque sub quibuscumque tenoribus, et formis, ac cum quibusvis clausulis, et decretis in contrarium præmissorum quomodolibet concessis, confirmatis, et innovatis. Quibus omnibus, et singulis eorum omnium tenores præsentibus pro plene, et sufficienter expressis, et ad verbum insertis habentes, illis alias in suo robore permansuris, hac vice dumtaxat specialiter, et expresse derogamus, ceterisque contrariis quibuscumque. Datum Romæ apud S. Mariam Majorem sub Annulo Piscatoris die prima Octobris 1668. Pontificatus nostri Anno II.

Visitationem Monasteriorum committit ut in rubrica.

Derogatio contrariorum.

Dat. die 1. Oct. 1668. An. II.

LXXXII.

Concessio Indulgentiarum pro Christifidelibus Italiæ divinam opem implorantibus pro tuitione Civitatis, & Regni Cretæ contra Turcas, ac pro felici directione negotiorum Regni Poloniæ.

CLEMENS PAPA NONUS

Ad futuram rei memoriam.

§.1. CUM Nos nuper, videlicet die 23. Sept. proxime præteriti Processioni ab Ecclesia Sancti Stanislai Nationis Polonorum ad Ecclesiam Sancti Marci de Urbe a Nobis instituta, ac Missæ solemnæ, quæ in eadem Ecclesia Sancti Marci subinde celebrata fuit, una cum Venerabilibus Fratribus nostris Sanctæ Romanæ Ecclesiæ Cardinalibus, necnon Patriarchis, Archiepiscopis, & Episcopis, aliisque Prælatibus, & Officialibus Cappellæ Nostræ Pontificiæ interfuerimus; ac omnibus Christifidelibus vere poenitentibus, & confessis, ac Sacra Communione refectis, qui Processioni, & Missæ prædictis interessent, vel utramque Ecclesiam hujusmodi eo die visitarent, ibique divinum auxilium tam pro defensione,

Causa constitutionis.

Pœna contra inobedientes.

& tuitione Civitatis, & Regni Creta contra oppressiones Turcarum, quam pro presentibus necessitatibus, felicitate directione negotiorum Regni Polonia implorarent, plenariam omnium peccatorum suorum Indulgentiam, & remissionem misericorditer in Domino concesserimus; ac ejusmodi Indulgentia participes quoque fieri voluerimus regulares utriusque sexus in clausura viventes, qui ad divinam opem similiter confugerent: Et in diversis ejusdem Urbis Ecclesiis Sanctissimum Eucharistiae Sacramentum publice fidelium venerationi exponi curaverimus, & ad Deum preces his diebus indixerimus.

§.2. Ac similia Christiana pietatis opera tam in universo Statu Ecclesiastico Nobis mediate, vel immediate subiecto, quam in Dominio Reipublicae Venetorum, erogatis pariter Indulgentiarum muneribus, fieri voluerimus, ut Pater misericordiarum, & Deus totius consolationis Ecclesiam suam sanctam protegere, ejusque hominum impetus, & vires virtutis suae potentia reprimere, atque confringere, prospereque rerum eventus benigne largiri dignetur.

§.3. Hinc est, quod Nos divini favoris praesidium in aliis quoque Italiae Civitatibus, & locis pariformiter invocari, atque conjunctis fidelium precibus postulari cupientes: Venerabilibus Fratribus Archiepiscopis, & Episcopis, aliisque Ecclesiarum Praelatis, & Ordinariis Civitatum, & Diocesium, Oppidorum, Terrarum, & Locorum reliqua Italiae, seu eorum Vicariis in spiritualibus generalibus per praesentes committimus, & mandamus, ut statim atque ipsarum praesentium literarum transumpta, seu exempla, etiam impressa, ad eos pervenerint, processiones pariter in suis respective Civitatibus, Oppidis, Terris, & Locis instituant, ac memoratum Sanctissimum Eucharistiae Sacramentum in Ecclesiis per eos respective designandis fidelium venerationi per quindecim dies similiter exponi curent, publicasque preces indicant.

§.4. Nos enim omnibus, & singulis utriusque sexus Christianis vere poenitentibus, & confessis, ac Sacra Communionem refectis, qui Processionibus hujusmodi respective interfuerint, vel Ecclesias a qua, & ad quam aliqua Processionum ipsarum fiet, eo die devote visitaverint, ibique divinum auxilium, ut praemittitur, imploraverint, necnon regularibus utriusque sexus in clausura viventibus, qui similiter confessi, & Sacra Communionem refecti, pias ad Deum preces in suis respective Ecclesiis, seu Monasteriis pariformiter fuderint, plenariam omnium peccatorum suorum indulgentiam, & remissionem concedimus similiter, & elargimur. Ac praefatis, & aliis Christianis fidelibus, qui ante Sanctissimum Sacramentum, ut praefertur, exponendum per aliquod temporis spatium pie orando divinam opem, ut supra invocaverint, quoties id egerint, toties septem an-

Processiones, & preces per totam Italia fieri mandat.

Concedit prout in Rubrica.

nos, & totidem quadragenas de injunctis eis, aut alias quomodolibet debitis poenitentis in forma Ecclesiae consueta relaxamus.

§.5. Volumus autem, ut earumdem praesentium literarum transumptis, seu exemplis, etiam impressis, & sigillo Notarii publici subscriptis, & sigillo personae in Ecclesiastica dignitate constitutae munitis eadem prorsus fides in iudicio, & extra adhibeatur ubique; quae praesentibus ipsis adhiberetur, si forent exhibitae, vel ostensa.

Datum Romae apud Sanctam Mariam Majorem, sub Annulo Piscatoris, die tertia Octobris 1668. Pontificatus nostri Anno II.

L X X X I I I.

Confirmatio Privilegiorum Congregationi Hispaniae Fratrum Carmelitarum Discalceatorum concessorum super facultate erigendi novas Domos de sola licentia Ordinariorum, & non obstante distantia.

C L E M E N S P A P A N O N U S

Ad perpetuam rei memoriam.

Ecclesiae Catholicae regimini meritis licet imparibus divina dispositione praesidentes, illa, quae a Romanis Pontificibus Praedecessoribus nostris ad divini cultus, ac religionis, piorumque operum incrementum, & propagationem provide emanasse noscuntur, ut firma semper, atque stabilia persistant, Apostolici muniminis cum id a Nobis petitur, patrocinio libenter confirmabilimus.

§.1. Dudum siquidem postquam felicitate rec. Paulus Papa V. Praedecessor noster Superioribus Ordinibus Fratrum Beatae Mariae de Monte Carmelo Discalceatorum nuncupatorum, ipsique Fratribus Discalceatis, ut ubique locorum quolibet in Districtu suo Domos, & Monasteria juxta Concilii Trident. Decreta, de sola licentia Ordinariorum, nullo aliarum personarum cujusvis Ordinis etiam regularium requisito consensu, condere fundare, & erigere valeret licentiam, & facultatem sub certis modo, & forma tunc expressis, auctoritate Apostolica concesserat: rec. me. Gregorius Papa XV. etiam Praedecessor noster eisdem Superioribus, & Religiosis, ut ubique locorum quolibet in Districtu suo Domos, & Monasteria praefata, etiam si illa aliis Domibus regularibus Ordinum Mendicantium magis vicina essent, quam in privilegiis Ordinibus Mendicantibus hujusmodi concessis praescriptum est, dummodo tamen Ordinariorum locorum expressus ad hoc accederet assensus fundare, & erigere possent, dicta auctoritate concessit, & indulgit, & alias prout uberius continetur in eorumdem Pauli, & Gregorii Praedecessorum litteris desuper in simili-

Transumptis fides danda.

Dat. die 3. Oct. 1668. An. II.

Ex Regest. in Secret. Brev.

Proemium.

Paulus V. concessit PP. de Monte Carmelo Discalceatis ut Monasteria de sola licentia Ordinariorum, ubique fundare possent.

Hoc privilegium Gregorius XV. amplavit.

forma Brevis expeditis, tenorum, qui sequuntur videlicet: Gregorius Papa XV. ad perpetuam rei memoriam. Alias a felicitate rec. Paulo Papa V. reliqua omittuntur quia erunt in suo loco sub die 8. Nov. 1621. Anno I.

Supplicatio pro confirmatione privilegii hujusmodi.

§.2. Cum autem, sicut dilectus filius Joannes a Visitatione Procurator Generalis Congregationis Hispaniae Fratrum Discalceatorum dicti Ordinis Nobis nuper exponi fecit fidelium pietas erga religionem eorumdem Fratrum Discalceatorum in dies crescat, & in multis locis praesertim Regnorum Hispaniae novos Domos, & Monasteria Fratrum hujusmodi erigi, & fundari desideretur: Verum non desunt, qui tam pium opus impedire conentur, non attentis privilegiis super ejusmodi fundatione eisdem Fratribus per litteras praesertim concessis, Nobis propterea dictus Joannes Procurator Generalis humiliter supplicari fecit, ut in praemissis opportune providere, & ut infra indulgere de benignitate Apostolica dignemur.

Confirmatio Pontificis.

§.3. Nos igitur ipsum Joannem Procuratorem Generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatis exsistit, ad effectum praesentium dumtaxat consequendum harum serie absolventes, & absolutum fore censentes, supplicationibus etiam dilecti filii Nobilis Viri moderni Marchionis de Astorga pro charissimo in Christo filio nostro Carolo Hispaniarum Rege Catholico apud Nos, & Sedem Apostolicam Oratoris nomine Nobis super hoc humiliter porrectis inclinati, praesertim Pauli, & Gregorii Praedecessorum litteras cum omnibus, & singulis in eis respective contentis, auctoritate Apostolica, tenore praesentium approbamus, & confirmamus, illisque inviolabilis Apostolica firmitatis robor adiacimus.

Decretum irritans.

§.4. Decernentes easdem praesentes, & praesertim litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit in omnibus, & per omnia plenissime suffragari; Sicque in praemissis per quoscumque Judices ordinarios, & delegatos etiam causarum Palatii Apostolici Auditores judicari, & desiniri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Derogatio contrarium.

§.5. Non obstantibus Constitutionibus, & Ordinationibus Apostolicis, necnon omnibus, & singulis illis, quae in praesertim Pauli, & Gregorii Praedecessorum litteris concessa sunt non obstante, ceterisque contrariis quibuscumque.

Transumptum fides.

§.6. Volumus autem, ut earumdem praesentium literarum transumptis, sive

exemplis, etiam impressis, manu alicujus Notarii publici subscriptis, & sigillo personae in ecclesiastica dignitate constitutae munitis, eadem prorsus fides in iudicio, vel extra adhibeatur, quae ipsis praesentibus adhiberetur, si forent exhibitae, vel ostensa.

Datum Romae apud Sanctam Mariam Majorem sub Annulo Piscatoris, die sexta Octobris 1668. Pontificatus nostri An. II.

Dat. die 6. Oct. 1668. An. II.

L X X X I V.

Confirmatio reductionis novennalis praestationis 850. scut. ratione quorundam bonorum ad directum dominium Camerae Apostolicae spectant. ab Hospitali Avenionensi. debita ad 108. scut. quolibet novennio praestanda, ita tamen, ut milites Sedis Apostolicae agroti, & convalescentes perpetuis futuris temporibus gratis in dictum Hospitale recipi, ibique curari debeant.

Ex Regest. in Secret. Brev.

C L E M E N S P A P A N O N U S

Ad perpetuam rei memoriam.

§.1. Exponi Nobis nuper fecerunt dilecti filii Administratores Hospitalis Majoris Sanctae Marthae, sive Bernardi Rascallis nuncupati Civitatis nostrae Avenionensis, quod alias videlicet anno 1641. cum dictum Hospitale bona valoris in proprietate novemdecim millium scutorum monetae emptionis, vel hereditatis, seu fideicommissi titulo acquisivisset, & ratione bonorum hujusmodi, quippe ad directum dominium Camerae nostrae Apostolicae spectantium, quatuor scuta cum dimidio pro quolibet centenariis, atque ita octingenta quinquaginta scuta paria, vel circiter singulis novenniis eidem Camerae praestare deberet; tunc existentes Administratores Hospitalis praefati sibi a tunc exiiente in dicta Civitate, & Comitatu Venayssin. Vice-Legato de licentia Ven. Fratris nostri Antonii Barberini Episcopi Praefecti. S.R.E. Cardinalis Antonii nuncupati tunc temporis in eisdem Civitate, & Comitatu Sedis Apostolicae de latere Legati moderationem, seu reductionem novennalis octingentorum quinquaginta, vel circiter scutorum hujusmodi praestationis ad centum, & octo scuta similia dictae Camerae quolibet novennio praestanda concedi obtinuerunt, & secundum hanc moderationem, sive reductionem subinde factae fuerunt eidem Camerae de novennio in novennium solutiones usque ad annum proxime praeteritum 1667. quo tempore dilecti filii Camerae praefatae ministri in Comitatu supradicto residentes litem desuper contra dictum Hospitale moverunt, & a dilecto pariter filio Judice ejusdem Camerae per sententiam declarari obtinuerunt, gratiam eidem Hospitali tempore Legationis praefati Antonii Cardinalis, sicut pra-

Supplicatio.